

M̄weiñan eo an Jibboñ in Jādede

kweil̄ok eo eļap

Juon Rikaṃool

Bok in Mormon

iakwe-em̄ool

wujlepl̄ok

oktak

niknik

jerbal in jipañ

naan in kaṃool

kweil̄ok eo eļap

Juon Rikaṃool

Jen Būreejtōn Henry B. Eyring

Rikakipilōklōk eo Kein Kajuon ilo Būreejtōnji eo Kein Kajuon

Bok in Mormon ej unin tōl eo em̄ṃan tata ñan katak ewi joñan an em̄ṃan ad kōm̄ṃane im ekōjkan kōm̄ṃan em̄ṃanl̄ok.

Eļap Aō m̄ōṃōṃō kōn iien in em̄ṃan ñan kōnono ñan kom̄ ilo Jabōt in ilo kweil̄ok eo eļap an Kabuñ eo an Jisōs Kraist im Armej ro Rekwojarjar ilo Raan-ko Āliktata. Aolep membōr in Kabuñ

in ewōr aer ejja eddo in ekwojarjar. Jaar bōke im kar kalim̄mur n̄an jutak kake ke jaar peptaij. Jej ekkatak j̄an naan ko an Alma, rikanaan eo em̄man ilo Bok in Mormon, ta eo jaar kalim̄muri Anij bwe jenaaj kar erom: “m̄ōṅōṅō in jañ ipp̄an ro rej jañ; im kaenōm̄man ro rej p̄ad ilo aikuj in aenōm̄man, im n̄an jutak āinwōt ri kaṃool ro an Anij ilo aolep iien ko im ilo aolep men otemjel̄ok, im ilo aolep jikin ko kom̄ maroñ p̄ad ie, em̄ool ṃae mej, bwe kom̄in maroñ bōk l̄om̄or an Anij, im bōnbōn ipp̄an ro ilo jerkakpeje eo ṃoktata, bwe kom̄in maroñ bōk mour indeeo.”¹

Ej juon eddo eo ekwojarjar im juon kalim̄mur eo eaiboojoj j̄an Anij. Ennaan eo Aō rainin ej kōn naan in kōketak. Ejja āinwōt an Bok in Mormon kōm̄man bwe en pidodo eddo in n̄an kōj, ej barāinwōt tōl l̄ok kōj ṃaan l̄ok ilo iaḷ eo n̄an mour indeeo.

ṃoktata, jaar kalim̄mur n̄an erom rūm̄man. Kein karuo, jaar kalim̄mur n̄an erom rikam̄ool ro an Anij. Im kein kajilu, jaar kalim̄mur n̄an niknik. Bok in Mormon ej unin tōl eo em̄man tata n̄an katak ewi joñan ad em̄man ad kōm̄mane im ekōjkan kōm̄man em̄manl̄ok.

J̄an jino kōn erom rūm̄man. Inaaj kakememej kom̄ kōn eñjake ko aō raan ko l̄ok. Elōñ iaami kom̄ kar bōk kuṃami ilo juon raan in jermal in jipañ. Eaar wōr taujin iaam kar ejaak aolepen laḷ in.

Juon koṃjel̄ in Armej ro Rekwojarjar ṃōttami kar jar n̄an jel̄a ta jermal in jipañ eo n̄an l̄ōm̄nake. Raar kajjitōk ipp̄an Anij n̄an jel̄a wōn ro rej aikuj jermal n̄an er, ta jermal in jipañ eo ren leḷok, im wōn ro ren kūr tok er n̄an bōk kuṃaer. Raar maroñ bōlen kar jar bwe ren jab meḷokl̄ok kūlob ko aer ak d̄an in idaa. Eo aorōk tata, raar jar bwe aolep ro rej kōm̄man jermal in jipañ im aolep ro me raar bōk e ren eñjake iakwe eo an Anij.

Ijel̄a jar ko raar uwaak ilo juon ward. Elōñ l̄ok j̄an 120 membōr ro raar baḷintier n̄an jipañ. Ium̄win jilu awa ko raar karreoik meḷan ko an juon im̄on jar ilo jukjuk in p̄ad eo am. Eaar juon jermal epen im kaṃōṅōṅō. Rūkaki ro an im̄on jar eo raar kwaḷok kaṃoolol. Aolep ro raar jermal ipp̄an doon raan jab eo kar eñjake juon wōt im iakwe eḷapḷok. Em̄ool jet raar ba bwe raar eñjake lañlōñ ke raar ittūm̄ ujooj ko im jepi shurbbery ko.

Naan ko j̄an Bok in Mormon kar jipañ er jel̄a etke raar eñjake lañlōñ eo. Eaar Kiiñ Benjamin eo eaar ba n̄an armej ro doon, “Ekkatak jel̄al̄okjeṅ, bwe eḷañne kom̄ij jermal n̄an armej ro ami kom̄ij jermal wōt n̄an ami Anij.”² Im eaar Mormon eo eaar katakin ilo naan ko an ilo Bok in Mormon, “A iakwe-em̄ool ej iakwe eo erre eo an Kraist, im e kijejeto indeeo; im jabdewōt eo lo e ipp̄an ilo raan eo āliktata, enaaj em̄man ipp̄an.”³

Irooj ej dāpij wōt kalim̄mur eo An n̄an kom̄ ilo am dāpij ko ami. Ilo ami jermal n̄an ro jet n̄an E, E ej kōtḷok bwe kom̄in eñjake iakwe eo An. Im ilo iien eo, eñjake ko an iakwe-em̄ool rej erom ṃōttan wōn kom̄. Im kom̄ naaj bōk kūrṃool in ṃool eo an Mormon ilo ami kar roñ ilo ami kakkōt

ilo jermal n̄an ro jet ilo mour me aolep men naaj em̄man ilo kom̄.

Ejja āinwōt ami kar kalim̄m̄uri Anij n̄an erom rūm̄man, kom̄ ar kalim̄mur n̄an An rikam̄ool jabdewōt jikin kom̄ maroñ pād ie ilo aolepen mour eo ami. Bar juon alen, Bok in Mormon ej unin tōl eo em̄man tata Ijeḷā n̄an jipañ kom̄ dāpij wōt kalim̄mur eo.

Juon iien kar kūr Eō n̄an kōnono ilo juon iien kadiwōjḷok ilo juon university. Būreejtōn eo an university eo eaar kōnaan bwe Būreejtōn Gordon B. Hinckley n̄an kar kūr ḷok, bōtaab kar jeḷā bwe eaar jab maroñ pād. Kōn menin jān tōprak in Iaar bōk kūr eo. Tōre eo Iaar juon membōr in Douluul eo an Joñoulruo Rijilōk ro lukkuun ej kab pād ie.

Armej eo me eaar kūr ḷok eō n̄an kōnono eaar erom ikirelel ke eaar katak eḷap ḷok kōn kūr eo aō āinwōt juon Rijilōk. Eaar kūr tok eō ilo talboon im ba bwe kiiō em̄eḷeḷe bwe kūr eo aō eaar n̄an juon rikam̄ool kōn Jisōs Kraist.

Ilo juon ainikien ekanooj pen eaar jiroñ eō bwe Ijjab maroñ kar kōm̄mane n̄e Ij kōnono ijo. Eaar kōmeḷeḷeik bwe university eo ej kautiej armej ro jān aolep kabuñ ko, ekoba ro me rej karmejele bwe ewōr Anij. Eaar āliji. “Kojjab maroñ kakūrmoool eddo eo am̄ ije.”

Iaar door laḷ ḷok talboon eo kōn būjin kajjitōk ko ilo ḷōm̄nak eo aō. Ij aikuj ke jiroñ university eo bwe Ijjab maroñ dāpij koḅ eo aō n̄an kōnono? Eaar ruo wōt wiik m̄okta jān iien eo. Aō kōnono em̄ōj aer kar kwaḷoke. Ta eo enaaj kar jelet kōn likjab eo aō n̄an dāpij wōt koḅ eo aō ioon āt eo em̄man an Kabuñ in?

Iaar jar n̄an jeḷā ta eo Irooj ekōnaan bwe in kōm̄mane. Uwaak eo eaar itok ilo juon wāween ekailbōkbōk n̄an eō. Iaar kile bwe waanjoñak ko an Nipai, Abanadi, Alma, Amulek, im ḷōm̄aro nejin Mosaia eaar jermal n̄an ta eo Iaar wōjake. Raar rikam̄ool ro reperan an Jisōs Kraist ke kar jelm̄ae kauwōtata an mej.

Kōn menin kālōt eo de eo n̄an kōm̄man eaar ewi wāween kōppopo. Iaar etali aolep men Imaroñ kar katak kōn university eo. Ke raan eo n̄an kōnono eaar kanooj epaaktok, ikirelel eo aō eaar ḷapḷok im jar ko aō raar ḷapḷok.

Ilo juon jekjek ekabwilōnlōn, Iaar lo juon bwebwenato ilo nuuj. Bwe university eo kar nōbare kōn kōm̄mane ta eo Kabuñ in eaar katak n̄an kōm̄mane ilo jermal in humanitarian ko aolepen laḷ in. Im kōn menin ilo kōnono eo aō Iaar kōmeḷeḷeik ta eo kōj im er kar kōm̄mane n̄an ḷōñaj armej ro ilo aikuj eḷap. Iaar ba bwe Ijeḷā bwe Jisōs Kraist eaar unin kōjeram̄man ko me raar itok n̄an mour ko an ro kōj im er raar jermal n̄an er.

Ālkin kweilok eo jarlepju eo raar jutak n̄an kabbokbok, eo eaar n̄an eō āinwōt jidik. Iaar bwilōn bōtaab kad ikirelel jidik. Iaar kememej ta eo eaar waļok n̄an Abanadi. Alma wōt eaar bōk kaṃool eo an. Bōtaab joten jab eo, ilo juon kōjota, Iaar roñ an būreejtōn eo an university ba ilo kōnono jab eo eaar roñ naan ko an Anij.

Kiiō, kain kabwilōnlōn in letok ejeja ilo jeļā eo aō āinwōt juon rikamool an Kraist. Bōtaab an Bok in Mormon jelet paotokimi, kajoor, im peran eo ami n̄an erom juon rikamool n̄an Anij ejjeļok kajjitōk. Katak eo im waanjoñak ko reperan ilo bok jab in naaj ļōñaj, tōl, im kōketak koṃ.

Aolep mijenede me ej kwaļok etan im kojpeļ eo an Jisōs Kraist naaj jeraṃṃan jān riit jān Bok in Mormon raan otemjeļok. Baba im ṃaṃa ro etinaad aer bōk juon naan in kaṃool kōn Rilomoor eo n̄an būruwōn juon ajri naaj jipañ n̄e rej pukōt iaļ eo n̄an bōktok naan ko im jetōb eo an Bok in Mormon n̄an kapijuknen eo im aolep mour ko ilo baamle eo aer. Men jab in kar idajoñjoñe eṃool n̄an kōj.

Imaroñ lo bwe kabwilōnlōn ej waļok ilo aolep kweilok in kwojkwoj im aolep kūlaaj ko Ij pād ie ilo Kabuñ in. Rikōnono ro im rūkaki ro rej kwaļok iakwe im meļeļe epen kōn jeje ko rekwojarjar, eļaptata Bok in Mormon. Im naan in kaṃool ko an juon make ealikkar aer itok jān ṃwilaļ in būruwier. Rej katakin kōn lōke eļap im kwaļok naan in kaṃool kōn kajoor.

Ij lo kein kaṃool barāinwōt bwe kōj membōr in Kabuñ in eṃṃan ļok ad kōṃṃane ilo ṃōttan eo kein jilu in kalimṃur eo jaar aolep kōṃṃane ilo peptaij. Jaar bujen n̄an niknik, n̄an kejarok kien ko an Anij toon wōt ad pād im mour.

Iaar loļok juon ruuṃ ilo imōn taktō eo an juon ṃōtta jān etto eo eaar nañinmej kōn terminal cancer. Iaar āñin ippa leddik ro ruo nejū. Iaar jab kōtmene bwe en kar maroñ kile er. Baamle eo an make raar aiin doon, jutak ipeļaaikin jikin babu eo an ke kōmij deļoñ ļok.

Eaar reilōñtak im ettōn. Inaaj kememej wōt an reitok bwe ke ej lo kōrā eo ippa im N̄a kar bōktok leddik ro nejim ippam tok. Eaar jiroñ er n̄an kepaak ļok e ilo jikin kiki eo. Eaar jijet, jibur er, im kar kwaļok kadkadier n̄an baamle eo an. Eaar kōnono kōn eṃṃan eo an leddik rein reddik. Eaar āinwōt n̄e eaar leļok bwidak lerooj ro n̄an juon jikin irooj.

Iaar kōtmene loļok eo am en kar ṃōkaj kitien. Eṃool, Iaar ļōṃṃak, eaar mōk. Bōtaab ke Iaar lale eaar āinwōt eļaññe dettan eaar jako. Eaar leṃōṃōṃō im alikkar an obrak kōn iakwe n̄an kōj aolep.

Eaar āinwōt n̄e eaar lañlōn ilo iien eo āinwōt eļaññe iien eaar bōjrak. Eaar joļok enañin aolepen

mour eo an lali ajri ro ñan Irooj. Eaar jeļā jān juon bwebwenato ilo Bok in Mormon me jerkakpeje Rilomqor eaar bōk ajri ro juon illok juon, kōjeramman er, innām jañ kōn lañlōn.⁴ Eaar eñjake lañlōn jab in ebwe an to ilo mour eo an ñan maroñ niknik ilo iakwe in jermal in jipañ eo An ñan jemļokin.

Iaar lo ejja kabwilōñlōn in wōt ilo juon jikin kiki an juon emman eo eaar leļok ebwe jermal in jipañ eo etiljek ñan eō kōn tōmak bwe eaar kōmman ebwe ñan kakkije.

Iaar jeļā bwe eaar pād ilo jet kōmadmōd ko raitok im emmetak ñan juon nañinmej im kar jiroñ lok jān taktō ro raar jiroñ e bwe epād itulowa. Raar jab bar kōmman elōñ lok kōmadmōd ak kōjatdikdik.

Lio pāleen kar āñinlok eō ñan jikin kiki eo an ilo mweo imweer. Ijo eaar pād ie, jedelañ ioon jikin babu eo kar kōmmane. Eaar kōnak juon jōōt mouj kōmetale, juon tae, im juuj kāl.

Eaar loe bwilōn eo an ilo meja, ettōn dikdik, im kōmeļeik, “Ālkin am letok juon kōjeramman, Ikōnaan bwe in pojak ñan uwaake kūr eo ñan jerkak im bōk kūnieō im ilok in jermal.” Eaar alikkar bwe, eaar pojak ñan intōrpiu eo ejjab to enaaj kar kōmmane ippān Maaajta eo, eo eaar jermal ñan e ilo tiljek.

Eaar juon waanjoñak an lukkuun in kar oktak an Armej ro Rekwojarjar ilo Raan-ko Āliktata emakijkij Aō ioon ālkin aer kar leļok juon mour in jermal in jipañ ekije. Rej wōnmaanlok wōt.

Būreejtōn Marion G. Romney eaar kōmeļeiki ilo wāween in: “Ilo eo me ej lukkuun oktak, kōnaan eo ñan men ko rej [jumae] kojpeļ eo an Jisōs Kraist rej lukkuun in mej, im bōk jikin ej iakwe eo an Anij barāinwōt kije eo epen im tōle ñan kejarok kien ko an.”⁵

Kije eo Ij loe ñan pokake kien ko An elōñ im lōñ eñjake ilo kar iien eo an rikaloor ro an Jisōs Kraist. Āinwōt kōrā eo kar iak-iakwe leddik ro nejū im emman eo ilo juuj ko rekāl pojak ñan an jutak im maaaj, rej loor kappen eo an Rilomqor ñan jemļokin. Aolepemi emōj kar ami loe.

Kom maroñ lale bar juon alen eļāñne kom bar rōql ñan Bok in Mormon. Ij eñjake wōt kautiej ilo būruwō ñe Ij riiti naan kein an juon rikarejeran Anij eo erūttoļok im kije: “Bwe emool ilo iien in, aolepān ānbwinnū ej wūdiddid otem wūdiddid ilo kajeoñ in kōnono ñan kom; a Irooj... ej rejtake eō, im kar kōtlok eō bwe in kwaļok ñan kom.”⁶

Kom maroñ bōk peran āinwōt Iaar jān waanjoñak eo kōn niknik kar letok jān Moronai. Eaar make

ļok ilo kwaļok eo an. Eaar jeļā bwe jemļok in mour An eo eaar epaak nān e. Im aet roņjake ta eo eaar je nān emņan eo an armej ro rejjaņin ļotak im ro bwijjin rikōjdāt ro an ilo mour in: “Aet, itok nān Kraist, im weppān ilo E, im karmejete komj make jān aolep men ko rejjab emņan im iakwe Anij kōn aolep aņ maroņ, ļōmņak im kajoor, innām An jouj komj maroņ weppān ilo Kraist.”⁷

Moronai eaar letok kaņool jab in āinwōt naan in jeplaak eo an nān mour eo an im kwaļok eo an. Eaar kōketak iakwe-emool, ejjā āinwōt rikanaan ro ilo aolepen Bok in Mormon. Eaar kobaik tok kaņool eo an kōn Rilomqor eo ke mej eaar epaak e. Eaar juon rioktak emool nejin Anij, āinwōt ad maroņ: kar obrak kōn iakwe-emool, jab oktak im jab mijak āinwōt juon rikamool an Rilomqor eo im kojpeļ eo An, im kar kije nān niknik nān jemļokin.

Moronai eaar katakin kōj ta eo eaikuji jān kōj. Eaar ba bwe buņtōn eo mōktata nān lukkuun oktak ej tōmak. Lukkuun ekkatak kōn Bok in Mormon enaaj kalōk tōmak ilo Anij Jemed, ilo Nejin Jitōnbōro Emake wōt, im ilo kojpeļ eo An. Enaaj kalōk tōmak eo ami ilo rikanaan ro an Anij, etto im raan kein.

Emaroņ kepaakļok komj nān Anij jān jabdewōt bar bok. Emaroņ ukōt juon mour nān emņan ļok. Ij kōketak komj nān kōmņae ta eo mijenede eo mōttan eaar kōmņan. Eaar ko jān mweo imōn ke eaar juon jodikdik, im juon eaar likūt juon Bok in Mormon ilo juon bōok eaar bōke ippān ilo an pukōt eļap ļok mōņōņō.

Iiō ko rej eļļā ļok. Eaar emņakūt jān jikin nān jikin aolepen laļ in. Eaar make wōt im jab mōņōņō juon raan ke eaar lo bōok eo. Bōok eo eaar obrak kōn men ko eaar būk ippān. Ilo kapin bōok eo, eaar lo Bok in Mormon. Eaar riiti kallimur eo ie im kar idajoņjoņ e. Eaar jeļā eaar mool. Kaņool jab eo eaar ukōt mour eo an. Eaar lo mōņōņō eo eļap jān ettōņak ko an remņan.

Kape in Bok in Mormon eo ami emaroņ jab ļap riiti āinwōt an kar aikuji. Ij akweļap nān komj nān ekkatak im emakijkij jān alen ko an. Epād ie tallepen in kojpeļ eo an Jisōs Kraist, eo me ej iaļ eo deo eo nān kapijuknen ippān Anij.

Ij likūt ippami aō kaņool emool bwe Anij ej mour im enaaj uwaaki jar ko ami. Jisōs Kraist ej Rilomqor eo an laļ in. Bok in Mormon ej juon kaņool emool im ejjeļok kajjitōk kake bwe E ej mour, bwe E ej ad jerkakpeje im Rilomqor emour.

Bok in Mormon ej juon kaņool eaorōk . Ij kiiō likūt ippami aō kaņool ilo etan ekwojarjar etan Jisōs Kraist, amen.

Kakememej ko

1.

Mosaia 18:9.

2.

Mosaia 2:17.

3.

Moronai 7:47.

4.

Lale 3 Nipai 17:21–22.

5.

Marion G. Romney, ilo Conference Report, Okt. 1963, 23.

6.

Mosaia 2:30.

7.

Moronai 10:32.